

Enfòmasyon ak Enstriksyon

Lè ou ranpli fòm lan, epi klike sou "Evalye/Enprime Fòm lan", òdinatè a ap detèmine ki antibiotik w ap resevwa. Enprime fòm ou ranpli a epi pote li avèk ou nan yon POD. Sa a pral pèmèt anplwaye yo sèvi ou pi vit. Ap gen fòm vid nan POD yo tou.

Kesyon 1: Yon reyakson alèjik grav se yon reyakson ki menase lavi moun epi ki ka lakòz pwoblèm pou respire ak/oswa pou vale manje, figi anfle, zye anfle oswa lang anfle, oswa doulè nan pwatrin. Kèk nan reyakson negatif moun gen souvan avèk antibiotik se dyare ak deranjman lestomak, epi yo pa konsidere yo kòm reyakson negatif ki grav.

Tetrasiklin se yon gwoup antibiotik (tankou doxycycline, minocycline ak tetracycline) ki anpeche moun gen enfeksyon bakteri oswa ki trete yo. Yon moun ki te gen yon reyakson alèjik grav poutèt doxycycline oswa lòt tetrasiklin pa kapab pran doxycycline; li ta dwe reponn "Wi" pou kesyon sa a.

Kesyon 2: Anjeneral, doktè pito preskri ciprofloxacin pou yon fanm ki ansent. Men, si fanm ansent lan ekspoze nan maladi chabon, li kapab pran doxycycline pou evite li gen enfeksyon ki bay maladi chabon. Yon fanm ki ansent ka resevwa swa doxycycline oswa ciprofloxacin dapre repons li bay pou lòt kesyon evalyasyon an. Li ta dwe toujou reponn "Wi" pou kesyon sa a.

Kesyon 3: Yon reyakson alèjik grav se yon repons ki menase lavi moun epi ki ka lakòz pwoblèm pou respire ak/oswa pou vale manje, figi anfle, zye anfle oswa lang anfle, oswa doulè nan pwatrin. Kèk nan reyakson negatif moun gen souvan avèk antibiotik se dyare ak deranjman lestomak, epi yo pa konsidere yo kòm reyakson negatif ki grav.

Fliyowokinolòn se yon gwoup antibiotik (tankou ciprofloxacin, levofloxacin ak moxifloxacin) ki anpeche moun gen enfeksyon batkeri oswa ki trete yo. Yon moun ki te gen yon reyakson alèjik grav poutèt ciprofloxacin oswa nan lòt fliyowokinolòn pa kapab pran ciprofloxacin; li ta dwe reponn "Wi" pou kesyon sa a.

Kesyon 4: Myasteni grav se yon maladi kwonik ki lakòz feblès miskilè. Ciprofloxacin kapab fè sentòm myasteni grav yo vin pi grav. Doxycycline pa gen reyakson sa a. Yon moun doktè te janm dekouvrir ki gen myasteni grav pa kapab pran ciprofloxacin; li ta dwe reponn "Wi" pou kesyon sa a.

Kesyon 5: Tizanidine (Zanaflex) se yon medikaman ki soulaje lakanp miskilè. Ciprofloxacin kapab fè reyakson negatif tizanidine (Zanaflex) yo vin pi grav. Doxycycline pa gen reyakson sa a. Yon moun k ap pran tizanidine (Zanaflex) pa kapab pran ciprofloxacin; li ta dwe reponn "Wi" pou kesyon sa a.

Kesyon 6: Theophylline se yon medikaman ki trete swen kèk pwoblèm respirasyon. Ciprofloxacin kapab fè reyakson negatif theophylline yo vin pi grav. Doxycycline pa gen reyakson sa a. Yon moun k ap pran theophylline nan moman an pa kapab pran ciprofloxacin, men li dwe fè yo tcheke nivo theophylline li. Li ta dwe toujou reponn "Wi" pou kesyon sa a.

Kesyon 7: Maladi ren vle di ren yo domaje epi yo pa kapab filtre san nòmalman. Domaj ren redui mwayen kò a pou absòbe ciprofloxacin. Domaj ren pa redui mwayen kò a pou absòbe doxycycline. Yon moun ki gen maladi ren, oswa ki sou dyaliz, kapab toujou pran ciprofloxacin, men li ka bezwen yon dòz ki pi fèb. Li ta dwe toujou reponn "Wi" pou kesyon sa a.

Kesyon 8: Yon moun ki pa kapab vale gress nòmalman ka vomi, manke toufe, oswa toufe pandan l ap eseye vale yon gress. Li dwe resevwa yon antibiotik likid oswa yon antibiotik ki kapab kraze. Yon moun ki pa kapab vale gress ta dwe reponn "Wi" pou kesyon sa a.

Kesyon 9: Yon moun ki peze mwens pase 76 liv oswa 35 kilogram ka bezwen yon dòz antibiotik ki pi fèb. Li ta dwe reponn "Wi" pou kesyon sa a, epitou li ta dwe endike gwochè li.